

**FERIA TERTIA**  
litaniarum, post Vocem iucūdi  
tatis. Matthæi, VII.

**I**n illo tempore **Dixit** Iesus discipulis suis: Petite, & dabit uobis: quærite, & inuenietis: pulsate, & aperietur uobis. Et reli,

**P**oterat aliquis ex auditoribus dño dicere: Quo modo nos præcipis sanctum non dare canibus, neq; mittere margaritas ante porcos, cū nos nec dū eundē sanctum & easdem margaritas habemus, quas mittamus ante porcos? Et quasi ad hæc dominus respondēs infert: **Petite, & dabitur uobis.** Tria enim dixit: petite, quærite, pulsate. Petite à deo sanitatem & firmitatē animi, ut possitis ea implere quæ præcipiuntur uobis, **Quærite** uiam ueritatis, & inuenietis. **Pulsate** ianuam regni cælestis, de qua scriptum est: **Hæc porta domini, iusti intrabunt per eam.** Hoc enim ordine prosequitur omnipotens deus petitiōes nostras, si primum petimus possibilitatem impleri dī uina præcepta: deinde, si uiam ueritatis adinventionē studiose requiramus: ad ultimum si regni cælestis aulam intrare uolumus, precibus & bonis operibus pulsemus. Ponamus inde aliquod exemplum: Vides aliquem hominem infirmatum, pedibus ambulare non ualentem, primum medicina sanitatis ei impenditur, ut possit ambulare. ad hoc pertinet quod dixit, **Petite, & accipietis.** Quid prodest ei ambulare, si nescierit uiam rectam per quam incedere debet, nisi ei recta uia ostendatur? Ad hoc pertinet quod dixit: **Quærite, & inuenietis.** Quid prodest iter ei, si post-

Psalm. 117

quam ad certum locum peruenerit, locum quem intrare desiderat, clausum inueniat? Ad hoc pertinet quod dixit: Pulsate, & aperietur uobis. Vel etiam aliter potest intelligi: Petite credendo, quarite bene operando, pulsate perseverando. Aut quis est er vobis homo, quem si petierit filius suus panem, nunquid lapidem dabit illi? In his tribus comparationibus dominus tres principales uirtutes uult designare. Per panem etenim charitas designatur, quoniam sicut mensa referta uarijs cibis, sine pane inops est, ita etiam ceterae uirtutes imperfectae redduntur sine charitate. At contra, per lapidem duritia cordis exprimitur, quae maxime est contraria charitati, si ergo petierimus deum patrem ut det nobis charitatem, nunquid lapidem dabit nobis, hoc est, duritiam cordis? Aut si petierimus piscem, nunquid pro pisce serpentem dabit nobis? In pisce fides intelligitur, quoniam sicut piscis inter fluctus tunditur ut semper crescat, ita etiam fides inter aduersa istius seculi probatur & proficit. Nunquid dabit nobis serpentem, hoc est, in fidelitatem? Infidelitas enim per serpentem designatur, eo quod uenena malitiae suae primis parentibus infuderit. Tertia comparatio additur a Luca, dicit enim: Aut si petierit ouum, nunquid porriget illi scorpiones? In ouo spes designatur, quoniam in ouo nondum fetus uidetur, sed futurus speratur: ita etiam spes quae uidetur, non est spes: sed spes est expectatio futurorum bonorum operum, [Nunquid scorpionem dabit illi?] hoc est, desperationem. Scorpio enim desperationem significat, quia scorpio in cauda perculit, & desperatio maxime in fine perdit. Sic ergo vos, cum sitis mali, nostis bona data dare filijs uestris,

Gene. 2

quāto magis pater uester qui in cælis est. dabit bona petentibus se? Mirum est cur dominus apostolos appellauerit malos, nisi forte dicamus quod in persona apostolorum omne genus humanum uituperet, quia ab adolescentia sua (sicut in Genesi legitur) pronum est cor illius ad malum. Vel certe possumus dicere, quia eosdem apostolos specialiter appellauerit malos. Licet enim bonitatē totius humani generis priuilegio suo transcenderint, tamē ad cōparationem dei, mali sunt, quia ad illius comparationem nemo bonus est. Vnde ipse dicit: Nemo bonus nisi solus deus. [Nostris bona &c.] Quid appellat hic bona? Quæ superius commemorauit, panem, piscē, & cætera corporis necessaria. Bona sunt, quia à deo creata sunt, per hoc quod domini est terra & plenitudo eius. [Quanto magis pater uester qui in cælis est, dabit bona petentibus se?] Et est sensus: Si in necessarijs filijs uestris largi existitis, quanto magis omnipotens deus erga uos largus exister, in ministrando uobis uictum & uestimētum? **Quæcunq; uultis ut faciant uobis homines, & uos eadem facite illis.** Ista est lex naturalis, quæ in duobus cōsistit præceptis, & in his duabus sententijs tota lex pendet & propheta. Et hoc est unū quod tibi dicitur, Quæcunq; uultis ut faciant uobis homines: & aliud est quod alibi dicit, Quod tibi nō uis fieri, alijs ne feceris. Quia quicquid lex & propheta latius describūt, in his duobus præceptis breuiter, est cōprehensum. Qui enim has duas obseruauerit, omnem legem & prophetas se gaudebit adimplesse. **Intrate per angustam portam, quæ ducit ad uitā æternā: quia lata porta & spatioſa uia est, quæ ducit ad perditionem, &**

Ezobie. 4

multi sunt, qui ingrediuntur per eā. ] Duae uias proponit dominus: una est lara & spariosa, quæ ducit ad infernum: altera est angusta, quæ ducit ad cælum. **L**ara uia est uolupratum huius seculi, de qua dominus bene dicit, quia lara & spariosa uia est, & multi sunt qui per eam ingrediuntur. **N**ō enim est necesse ut requiratur, quia sponte errantibus offertur. **A**ngusta uia est quæ ducit ad uitam, & à paucis inuenitur, & à multis inuenta nō tenetur. **M**ulti sunt istius uia: iter aggressi, capti istius seculi delectationibus, sed de medio itinere reuertunt. **A**ngusta uia est, desiderium pergendi ad cælum. **N**unquid enim non est angusta uia, quæ ieiunando & eleemosynas faciendo, promeretur æterni regni consortium?

**FERIA QVARTA**  
 litaniarum, in uigilijs Ascensionis domini. Iohann. XVII.

**I**n illo tempore **S**ubleuatis oculis Iesus in cælum, dixit: **P**ater, uenit hora, clarifica filium tuum. **E**t reliqua.

**P**otuit silenter hæc eadem uerba orationis patri filius dicere, sed orō filij, doctrina est apostolorum, necnō & eorum qui illorum exempla sequi uolunt, uel eorū scripta legere. **D**ixit: **P**ater, uenit hora. **H**ora itaq; passionis appropinquat. **C**larifica filium tuum, id est, resurrectionis gloria: præcedat humilitas passionis, ut subsequatur cito clarificatio resurrectionis. **S**equitur: **u**t filius tuus clarificet te. **C**larificatio patris æterna est, quæ nec caugeri nec mi